



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 43. Concilium Toletanum septimum.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII A. C. 647. faustissimæ expeditionis, mensibus quindecim confectæ, rationem populo reddidit. Interim Moavia Abusophiani filius, copiis in Syria præfectus, aliquibus Romanorum Civitatibus ad deditiorem compulsi, anno 648. Cyprum Insulam oppugnare aggressus est.

§. XLIII.

Concilium Toletanum septimum.

In Hispania Concilium Nationale Regis Chindasuindi anno quinto, Æra 684. seu anno 646. celebratum, inter Concilia Toletana septimum, in quo Episcopi viginti octo, & Legati absentium undecim sederunt. Metropolitanæ quatuor, Orontius Emeritanus, Antonius Hispanensis, Eugenius Toletanus, & Protasius Tarraconensis interfuere, & sex Canones conditi. Primus, sicut etiam Præfatio, dirigitur in Clericos, qui cum conjuratis societatem ineunt; nempe Regum illius temporis in Hispania solum vacillabat. Ejusmodi rebelles tam Episcopi, quam minores Clerici, tota vita reliqua excommunicati declarantur, atque id solum conceditur, ut eis ante mortem Communio detur, si in Pœnitentia perseveraverint. Rogatur ipse Rex, ne hujus Decreti vim infringat.

Si celebrans ægrotare incipiat, cum Sacra Mysteria consecrat, alius Episcopus pro-

prosequatur, & defectum suppleat; ne-
mo tamen, nisi jejunus sit, Missam cele-
bret, & si inchoaverit, nunquam dimit-
tat. Hujusmodi casus illa ætate fre-
quentiores erant, tum ob dies jejunii &
Liturgiæ prolixitatem, tum ob multo-
rum Episcoporum senectutem. Inde
consuetudo ortum traxit, ut Presbyteri
assisterent. Si quis Episcopus, admoni-
tus, ad celebrandas exequias defuncti
Fratris sui venire cunctatus fuerit, uno
anno Communionem privetur, & Clerici,
qui eum de obitu Episcopi certiores
facere distulerint, uno anno ad agendam
pœnitentiam in Monasterium includan-
tur. Quia Clerici ex Gallæcia quere-
lam moverant, de immodicis Episcopo-
rum exactionibus, his prohibetur, ne
quidquam ultra duos solidos a singulis
Ecclesiis accipiant; a Monasteriis autem
omnino nihil exigant. Episcopi cum
suam Diœcesin visitant, plures equos,
quam quinquaginta in comitatu non ha-
beant, & ultra unum diem in una Ec-
clesia non morentur. In aliis exemplis
loco numeri quinquaginta legitur quin-
que, quod Episcoporum modestiæ magis
convenire videtur. Eremicolæ vaga-
bundi, aut Solitarii valde rudes non to-
lerentur, sed in vicina Monasteria inclu-
dantur, & in posterum nulli liceat soli
vivere, nisi prius in Monasterio vitæ

Sæculum VII
A.C. 647.

Can. 2.

c. 3.

c. 4.

c. 5.

H 4

Asceti-

Sæculum VII Asceticæ rudimenta posuerit. Ut Re-
 A.C. 647. gibus competens reverentia exhibeatur,
 c. 6. & Metropolita habeat solatium, Episco-
 pi ab urbe Toletana non longe remoti
 singulis annis per unum mensem ibi mo-
 rabuntur, si rogati fuerint, ut veniant.
 Hæc sunt Concilii septimi Toletani De-
 creta.

§. XLIV.

*Epistola Pauli Constantinopolitani ad
Papam.*

Cum Paulum Patriarcham Constanti-
 nopolitanum tum Epistolæ Episco-
 porum Africæ, tum Serici & Martini
 Theodori Papæ Legatorum exhortatio-
 nes admodum premerent, nam vehe-
 mentissime instabant, ut explicaret, in
 quo sensu diceret, in Jesu Christo uni-
 cam esse voluntatem, tandem data ad
 Papam Epistola dogmatica, in exordio
 jactabat se Charitatem semper conser-
 vare, atque injurias illatas & inimico-
 rum calumnias patienti animo tolerare;
 ita de Catholicorum hortatu, quem bo-
 ni consulere debuisset, loqui audet, &
 eodem prætextu ad excusandum silen-
 tium suum utitur. Deinde luculentius
 mentem suam aperit, nomine omnium
 Ecclesiarum sibi subjectarum Fidem suam
 de Incarnatione profitetur, & in fine
 addit: *Itaque credimus, in Jesu Christo
 unicam*

*Conc. Later.
 Secr. 4. p.
 222.*

p. 226.